

## فيديو ساخر .. "يا بت إيه اللي جرى" - عبدالله الشريف



الثلاثاء 22 أبريل 2014 12:04 م

تصوير : أحمد الفيل , مونتاج وإخراج : أحمد الذكيري  
مصر التي في خاطري ,, طول عمرها متعسكرة  
تنظر إلى بسخرية ,, وكأنى ماشي بمبخرة  
تعطى العساكر وجهها ,, وفوشى أنا مديرة  
أكل العساكر خيرها ,, ولا سابوا حتى صغيرة  
يا مصر أنتى درتى ,, طب منى ليه متزرزة  
لو تسمعينى ساعة ,, وماتسمعيش لمصرصة  
فأنا المهندس والطبيب ,, عليا ليه متشطرة  
يا مصر أنتى حبيبتى ,, يا بت إيه اللي جرى  
فطفقت يوما أشتكى ,, ويقولها ليه الأفورة  
فرايتها في الحلم كانت ,, زبونة حلوة مقشرة  
وقفت تلوح في الهواء ,, مالبرد كات متمسرة  
فوقفت فوراً عندها ,, تقولش إيه عالمسطرة !?  
فمصر جئت مسرعة ,, كان شكلها متأخرة  
شغلت جوارى مقعدا ,, خلت حياتى منورة  
قالت بكل فضاظة ,, ماتقوم بلا تقعد ورا  
فقلت لا تتعجلى ,, مالك كدة متوترة  
نظرت إلى بسخرية ,, وكات عندها محمرة  
أهوى الشراسة في النساء ,, آخرتها واوا صغيرة  
فقلت هذى زوجتى ,, هترضى بيا يا ترى ؟  
نخرج سويا عالبلج ,, نضرب في ترمس وف درة  
قطع الاذان حديثنا ,, فالحلم كله جاب ورا  
فرفعت عن نفسي الغطاء ,, وصحيت لقيت نفسي في طرة

